



Napadi na medije ne mogu biti dio demokratske izborne kampanje

Svjedoci smo združene kampanje nekih političara na jačanju zapaljive i nacionalističke retorike na štetu toliko potrebne reforme u ovoj, izbornoj godini, rekao je danas visoki predstavnik i specijalni predstavnik EU Valentin Inzko. "OSCE će i dalje imati značajnu ulogu ne samo u praćenju izbornog procesa već i poštivanju demokratskih normi u predizbornom periodu", rekao je Inzko.

Visoki predstavnik i specijalni predstavnik EU govorio je tokom sastanka održanog u Sarajevu sa delegacijom Parlamentarne skupštine OSCE-a koju je predvodio predsjednik Skupštine OSCE-a Joao Soares.

Visoki predstavnik i specijalni predstavnik EU je naglasio da se sloboda medija u Bosni i Hercegovini ponovo nalazi na udaru, što je posebno pogubno pošto je ovo izborna godina, kada su pristup i nepristrasnost medija od posebnog značaja. Visoki predstavnik i specijalni predstavnik EU je apelirao na OSCE da nastavi aktivno pratiti situaciju u medijima u Bosni i Hercegovini te obećao punu podršku Ureda visokog predstavnika i Ureda specijalnog predstavnika EU u tom smislu.

Odgovarajući na pitanja kako Bosanci i Hercegovci mogu reagirati na očigledni nemar političkog vodstva za interese građana, visoki predstavnik i specijalni predstavnik EU je rekao da bi apeliranje na glasače da izađu i glasaju na jesen uputilo jasnu poruku da se ne može ignorirati mišljenje javnosti. Visoki predstavnik i specijalni predstavnik EU je izjavio da će međunarodna zajednica tokom ljeta voditi kampanju kojom će pozivati glasače da izađu na biračka mjesta u oktobru.

Govoreći o ulozi koju OSCE ima u pružanju podrške ljudskim pravima i pravima manjina, visoki predstavnik i specijalni predstavnik EU je naglasio da presuda Evropskog suda za ljudska prava u slučaju Finci i Sejdić predstavlja izazov na koji treba da odgovore bosanskohercegovačke vlasti. "Neprihvatljivo je da danas u 21. vijeku

u Bosni i Hercegovini postoje građani drugog reda”, izjavio je visoki predstavnik i specijalni predstavnik EU.